

Aljoša Čampara
Delegat u Domu naroda
Parlamenta Federacije Bosne i Hercegovine

Sarajevo, 27. 04. 2021.

PARLAMENT
FEDERACIJE BOSNE I HERCEGOVINE
DOM NARODA
n/r predsjedavajućeg

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 27-04-2021			
Org. jed.	Broj	Priloga	Vrijednost
02-	02-	1005	121

Predmet: Prijedlog zakona o izmjenama i dopunama Krivičnog zakona Federacije Bosne i Hercegovine, *dostavlja se*

Poštovani,

U skladu s odredbama člana 172. a u vezi s članom 155. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, broj 27/03, 21/09 i 24/20), kao ovlaštteni predlagač, dostavljam Prijedlog zakona o izmjenama i dopunama Krivičnog zakona Federacije Bosne i Hercegovine, radi razmatranja i usvajanja u Parlamentu Federacije Bosne i Hercegovine.

Predlažem da se Prijedlog zakona o izmjenama i dopunama Krivičnog zakona Federacije Bosne i Hercegovine razmatra po skraćenom zakonodavnom postupku u skladu s članom 164. Poslovnika o radu Doma naroda Parlamenta Federacije Bosne i Hercegovine.

U prilogu dostavljam tekst Prijedloga zakona o izmjenama i dopunama Krivičnog zakona Federacije Bosne i Hercegovine u pisanoj i elektronskoj formi.

S poštovanjem,

Delegat
Aljoša Čampara

1942

100-100-100

100-100-100	100-100-100
100-100-100	100-100-100
100-100-100	100-100-100
100-100-100	100-100-100

**ZAKON O IZMJENAMA I DOPUNAMA KRIVIČNOG ZAKONA
FEDERACIJE BOSNE I HERCEGOVINE**

Član 1.

U Krivičnom zakonu Federacije Bosne i Hercegovine (Službene novine Federacije BiH, br. 36/03, 21/04 - ispr., 69/04, 18/05, 42/10, 42/11, 59/04, 76/14, 46/16 i 75/17), član 362. („Nasilničko ponašanje“) mijenja se i glasi:

„Član 362.

Nasilničko ponašanje i izazivanje nereda

(1) Ko grubim vrijeđanjem ili zlostavljanjem drugog, nasiljem prema drugom, izazivanjem tuče ili naročito drskim ili bezobzirnim ponašanjem ugrožava građanski mir, kaznit će se kaznom zatvora od tri mjeseca do tri godine.

(2) Ko nasiljem ili učešćem u nasilju prema drugim osobama, materijalnim stvarima ili prijetnjom da će počinuti nasilje, ugrožava javni red ili potiče druge na nasilje te prouzrokuje lakše tjelesne ozlijede ili lakšu materijalnu štetu drugim licima, kaznit će se kaznom zatvora od dvije godine do sedam godina.

(3) Ako je krivično djelo iz stava (2) ovog člana počinjeno iz mržnje i uz upotrebu oružja ili oruđa ili ukoliko se dovede u opasnost život druge osobe ili prozrokuju teže tjelesne ozlijede ili teža materijalna šteta drugim licima, kaznit će se kaznom zatvora od tri godine do deset godina.

(4) Navijačke skupine ili skupine povezane s navijačima koje nasiljem ili učešćem u nasilju oštete imovinu ili nanesu tjelesne ozlijede drugim licima ili ugroze zdravlje i mir drugih lica, koje svojim ponašanjem ili parolama izazivaju narodnosnu, rasnu i vjersku mržnju, razdor ili netrpeljivost kaznit će se kaznom zatvora od tri godine do deset godina.“.

Član 2.

Ovaj Zakon stupa na snagu osmog dana od dana objavljivanja u „Službenim novinama Federacije BiH“.

O B R A Z L O Ž E N J E

I. USTAVNI OSNOV ZA DONOŠENJE ZAKONA

Ustavni osnov za usvajanje Prijedloga zakona o izmjenama i dopunama Krivičnog zakona Federacije Bosne i Hercegovine sadržan je u odredbi člana IV. A. 20. (1) d) Ustava Federacije Bosne i Hercegovine prema kojem je Parlament Federacije Bosne i Hercegovine nadležan za „donošenje zakona o vršenju funkcija federalne vlast“.

II. RAZLOZI ZA DONOŠENJE ZAKONA

Sve češći huliganski neredi počinju predstavljati ozbiljnu sigurnosnu prijetnju na koju Parlament Federacije Bosne i Hercegovine, kao zakonodavni organ, mora odgovoriti pooštavanjem sankcija. U trenutnom tekstu Krivičnog zakona FBiH nisu detaljno utvrđena, a ni opisana krivična djela koja se odnose na nasilničko ponašanje i izazivanje nereda. Intencija Prijedloga zakona o izmjenama i dopunama Krivičnog zakona FBiH je odvratanje od potencijalnog počinjenja krivičnog djela (proaktivno djelovanje) s obzirom na to da će, usvajanjem predloženih izmjena i dopuna, potencijalnim počiniteljima biti poslana jasna poruka kako nasilničko ponašanje i izazivanje nereda predstavlja ozbiljno krivično djelo. U reaktivnom smislu, nadležnim pravosudnim organima bit će omogućeno da učesnike u neredima i počinitelje krivičnog djela „nasilničko ponašanje“ terete oštrijim kaznama, a što će u konačnici potencijalne počinitelje odvratiti od počinjenja navedenih krivičnih djela.

III. OBRAZLOŽENJE PREDLOŽENIH RJEŠENJA

Član 362. u važećem Krivičnom zakonu Federacije BiH (Nasilničko ponašanje) glasi:

„ 1) Ko grubim vrijeđanjem ili zlostavljanjem drugog, nasiljem prema drugom, izazivanjem tuče ili naročito drskim ili bezobzirnim ponašanjem ugrožava građanski mir, **kaznit će se kaznom zatvora od tri mjeseca do tri godine.**

(2) Ko krivično djelo iz stava 1. ovog člana učini u sastavu grupe ljudi, ili ako je krivičnim djelom iz stava 1. ovog člana prouzrokovano teško poniženje više osoba, ili je neka osoba lahko tjelesno ozlijeđena, **kaznit će se kaznom zatvora od šest mjeseci do pet godina**“.

Član 362. nakon usvajanja Prijedloga zakona o izmjenama i dopunama Krivičnog zakona FBiH glasit će:

„(1) Ko grubim vrijeđanjem ili zlostavljanjem drugog, nasiljem prema drugom, izazivanjem tuče ili naročito drskim ili bezobzirnim ponašanjem ugrožava građanski mir, **kaznit će se kaznom zatvora od tri mjeseca do tri godine**.

(2) Ko nasiljem ili učešćem u nasilju prema drugim osobama, materijalnim stvarima ili prijateljima da će počiniti nasilje, ugrožava javni red ili potiče druge na nasilje te prouzrokuje lakše tjelesne ozlijeđene ili lakšu materijalnu štetu drugim licima, **kaznit će se kaznom zatvora od dvije godine do sedam godina**.

(3) Ako je krivično djelo iz stava (2) ovog člana počinjeno iz mržnje i uz upotrebu oružja ili oruđa ili ukoliko se dovede u opasnost život druge osobe ili prouzrokuju teže tjelesne ozlijeđene ili teža materijalna šteta drugim licima, **kaznit će se kaznom zatvora od tri godine do deset godina**.

(4) Navijačke skupine ili skupine povezane s navijačima koje nasiljem ili učešćem u nasilju oštete imovinu ili nanesu tjelesne ozlijeđene drugim licima ili ugroze zdravlje i mir drugih lica, koje svojim ponašanjem ili parolama izazivaju narodnosnu, rasnu i vjersku mržnju, razdor ili netrpeljivost **kaznit će se kaznom zatvora od tri godine do deset godina**“.

Predloženim izmjenama i dopunama jasno se preciziraju sankcije za učešće u nasilju, podsticanje drugih na nasilje, prouzrokovanje lakših tjelesnih ozlijeđena, težih tjelesnih ozlijeđena, lakše materijalne štete, teže materijalne štete, upotrebu oružja ili oruđa te za nasilje u koje učestvuju navijačke skupine ili skupine povezane s navijačima.

IV. PROCJENA FINANSIJSKIH SREDSTAVA ZA PROVOĐENJE ZAKONA

Za provođenje ovog Zakona nisu potrebna dodatna finansijska sredstva.